

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ  
ПРЕДСТАВНИЧКИ ДОМ  
ДОМ НАРОДА**



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI / ZASTUPNIČKI DOM  
DOM NARODA**

Зједничка комисија за усаглашавање текста Закона о  
измјенама и допунама Закона о радном времену,  
обавезним одморима мобилних радника и уређајима за  
евидентирање у друмском превозу

Zajednička komisija za usaglašavanje teksta Zakona o  
izmjenama i dopunama Zakona o radnom vremenu,  
obaveznim odmorima mobilnih radnika i uređajima  
za evidentiranje u drumskom prijevozu

Zajedničko povjerenstvo za usaglašavanje teksta Zakona  
o izmjenama i dopunama Zakona o radnom  
vremenu, obaveznim odmorima mobilnih radnika i  
uređajima za evidentiranje u cestovnom prijevozu

Broj: 01,02-02-1-34/15

Sarajevo, 28. 7. 2016.

**DOMU NARODA  
PARLAMENTARNE SKUPŠTINE  
BOSNE I HERCEGOVINE**

**PREDSTAVNIČKOM DOMU  
PARLAMENTARNE SKUPŠTINE  
BOSNE I HERCEGOVINE**



Na osnovu člana 129. stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15) i člana 120. stav (3) Poslovnika Doma naroda Parlamentarne skupštine BiH ("Službeni glasnik BiH", br. 58/14, 88/15 i 96/15), Zajednička komisija za usaglašavanje teksta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (Prijedlog zakona broj: 01,02-02-1-34/15, od 1.3.2016.), u kojoj su: Darko Babalj, Sead Kadić i Mario Karamatić iz Doma naroda, te Damir Arnaut, Predrag Kožul i Dordo Krčmar iz Predstavničkog doma Parlamentarne skupštine BiH, podnosi

**IZVJEŠTAJ**

**o usaglašavanju teksta Zakona o izmjenama i dopunama Zakona o radnom  
vremenu, obaveznim odmorima mobilnih radnika i uređajima za evidentiranje u  
drumskom prijevozu**

Predstavnički dom Parlamentarne skupštine BiH usvojio je Zakon o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu na 28. sjednici, održanoj 27.4.2016., s tri amandmana. Dom naroda Parlamentarne skupštine BiH usvojio je Zakon o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu na 21. sjednici, održanoj 14.7.2016., s dva amandmana.

Zajednička komisija za usaglašavanje teksta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (u daljnjem tekstu: Zajednička komisija) je na sjednici, održanoj 28.7.2016., konstatirala da su predmet usaglašavanja Amandman I. usvojen u Domu naroda, te amandmani I. i II. usvojeni u Predstavničkom domu PSBiH.

**Zajednička komisija je nakon rasprave jednoglasno usaglasila sljedeći amandman:**

#### **Amandman I.**

U članu 5. Prijedloga zakona kojim se u važećem tekstu Zakona u članu 9. iza stava (2) dodaje stav (3), pa se u navedenom stavu (3) tačka b) alineja 2) mijenja i glasi:

„2) jedan redovni sedmični odmor i jedan skraćeni sedmični odmor u trajanju od najmanje 24 sata. Sedmični odmor vozač je dužan nadoknaditi podjednako dugim neprekinutim periodom odmora najkasnije do kraja treće sedmice od sedmice korištenja skraćenog sedmičnog odmora.“

Zajednička komisija jednoglasno je prihvatila tekst Zakona sa usvojenim amandmanom i usaglašenim amandmanom i predlaže Predstavničkom domu i Domu naroda Parlamentarne skupštine BiH da usvoje ovaj izvještaj i prihvate jedinstveni tekst Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, u kojem ga ova zajednička komisija predlaže.

Za izvjestioca na sjednici Predstavničkog doma Parlamentarne skupštine BiH imenovan je Đorđo Krčmar.

Za izvjestioca na sjednici Doma naroda Parlamentarne skupštine BiH imenovan je Sead Kadić.



Predsjedavajući Zajedničke komisije  
Sead Kadić

Dostavljeno:

- naslovu
- Indoku
- a/a